

2008-imi aalisarnermi pisassiissutit pillugit Namminersornerullutik Oqartussat nalunaarutaat

Aalisarnek pillugu Inatsisartut inatsisaanni nr. 18-imi 31. oktober 1996-imeersumi § 5-imi, imm. 1-imi, § 9-mi imm.1-imi, § 10-mi, § 14, imm. 2-mi, § 33-mi, imm. 2 aamma 3, aamma § 34-mi, imm. 3-mi, kingusinnerusukkut Inatsisartut inatsisaatigut nr. 5-ikkut 12. december 2008-meersukkut allannguuteqartinneqartumi, makku aalajangersarneqarput:

Atuuffia

§ 1. Nalunaarummi sumiiffiit taaneqartut WGS84 naapertorlugu nalunaarsorneqarput, imartat assinginut Kalaallit Nunaannut atuuttunut iluarsiissutinik iluarsisarlugit.

§ 2. Nalunaarut manna imartani Kalaallit Nunaata aalisarnikkut oqartussaaffigisaani inuussutissarsiutigalugu aalisarnermut kiisalu Kalaallit Nunaata aalisarnikkut oqartussaaffigisaata avataani inuussutissarsiutigalugu kalaallit aalisarnerannut atuuppoq.

§ 3. Nalunaarummi matumani angallatip usitussutsimut killigitimik qaangiisimaneranut ataassisimaneranullunniit aalajangiisuussaaq usitussutsip angallatip uuttuutaanut uppersaammi allassimanagera. Uuttueriaatsit pillugit maleruagassat sorliit angissusaanut uuttuummik atulersitsinermut tunngaviliisuusimanersut apeqqutaatinnagit.

Nassuiaatit

§ 4. Nalunaarummi matumani "imartat Kalaallit Nunaata aalisarnikkut oqartussaaffigisai" aamma "tunngaviusumik killeqarfik" paasineqassapput tunngaviusumik killeqarfittut imartat Kalaallit Nunaata aningaasaqarniarnikkut immikkut oqartussaaffigisaa kingusinnerusukkut allanngortinneqarsimasukkut Statsministeriaqarfiup nalunaarutaani aalajangersarneqarsimasut.

§ 5. "Avataasiorluni aalisarnertut" paasineqassaaq aalisarnek imartami Kalaallit Nunaata aalisarnikkut oqartussaaffigisaani tunngaviusumik killeqarfinnit 3 sømilip avataani kiisalu imartani Kalaallit Nunaata aalisarnikkut oqartussaaffigisaata avataani ingerlanneqartoq. Avataasiorluni aalisarnek angallatinik usitussutsimut uuttuutaat malillugu 75 BRT/120 BT-nik angissusilinnik anginerusunillunniit ingerlanneqartoq, nalunaarummi allami allanik aalajangiisoqarsimatinnagu.

Imm. 2. "Sinerissamut qanittumi aalisarnertut" paasineqassaaq aalisarnek angallatinik usitussutsimut uuttuutaat malillugit 75 BRT/120 BT-nik mikinerusunit ingerlanneqartoq, nalunaarummi allami allanik aalajangiisoqarsimatinnagu.

§ 6. Uiluinniarnermi sumiiffiit pisassiissuteqarfiit imatut aalajangersarneqarput:

1) Nuup eqqaa: Sumiiffik 63°45'0N aamma 64°21'5N akornanniittoq kiisalu Nuup Kangerluani 64°21'5N

avannaatungaani.

2) Aqajarua: Titarneq 51°40'N Qeqertarsuarmut 69°35'N aamma 69°50'N akornanni.

3) Attup eqqaa: 53°00'N aamma 54°00'N akornanni aammalu 67°50'N aamma 68°10'N akornanni.

Taamaattorli sumiiffik una aalisarfittut matoqqavoq: Sumiiffik killiliussanik ukunannga killiliivigineqartoq 68°05'N 54°45'W, 68°05'N 53°00'W, 67°55'N 53°00'W aamma 67°55'N 53°45'W.

4) Sisimiut - Kujataa (Saqqaq): Sumiiffik imartap aalisarnikkut oqartussaaffigisap tunngaviusumik killinganut kimmut killilik; avannamut imartap aalisarnikkut oqartussaaffigisap tunngaviusumik killinganiit kangimut 66°55'N Sisimiut kujataanni nunaviup tungaanut; kujammut imartap aalisarnikkut oqartussaaffigisap tunngaviusumik killinganiit kangimut 66°36'N nunaviup tungaanut.

5) Sisimiut - Avannaa (Kangaarsuk): Sumiiffik imartap aalisarnikkut oqartussaaffigisap tunngaviusumik killinganut kimmut killilik; avannamut imartap aalisarnikkut oqartussaaffigisap tunngaviusumik killinganiit kangimut 67°20'N nunaviup tungaanut; kujammut imartap aalisarnikkut oqartussaaffigisap tunngaviusumik killinganiit kangimut 66°55'N nunaviup tungaanut.

6) Nassuttooq: Sumiiffik imartap aalisarnikkut oqartussaaffigisap tunngaviusumik killinganut kimmut killilik; avannamut imartap aalisarnikkut oqartussaaffigisap tunngaviusumik killinganiit kangimut 67°35'N nunaviup tungaanut; kujammut imartap aalisarnikkut oqartussaaffigisap tunngaviusumik killinganiit kangimut avannarpasissutsikkut 67°20'N nunaviup tungaanut. Kangimut killinga tassaavoq sinerissap immamut killinga.

7) Kitaata sinnera: Pisassiissuteqarfiit taaneqartut sinneri Kalaallit Nunaata kitaata avataaniipput. Sumiiffimmi tassani pisassiissutit qummut killeqanngillat.

§ 7. Sinerissap qanittuani qalerallinniarnermi sumiiffiit pisassiissuteqarfusut tulluuttut aalajangersaavigineqarsimapput:

1) Sumiiffik aqutsivigineqartoq Upernavik. Sumiiffik aqutsivigineqartoq Upernavik nassuiarneqarpoq 71°30'N avannarpasinnerusumiittutut aamma 75°00'N kujasinnerusumiittutut.

2) Sumiiffik aqutsivigineqartoq Uummannaq. Sumiiffik aqutsivigineqartoq Uummannaq nassuiarneqarpoq 70°30'N avannarpasinnerusumiittutut aamma 71°30'N kujasinnerusumiittutut. 70°30'N kujataatungaani aalisartoqarsinnaavoq taamaallaalli Qarajap kangerluani sermilimmi (Ikerasaap sullua). Ilanngullugu 71°30'N avannaatungaani kangerlunni aalisartoqarsinnaavoq, eqqornerusumik taassagaanni kangerlunni: Nuugaatsiaap Imaa, Kangigdleq, Salliarutsip Kangerlua, Uvkusigssat Kangerlua, Kangiussap imâ, Umîviup Kangerlua aamma Nûgâtsiaup tunua.

3) Sumiiffik aqutsivigineqartutut Qeqertarsuup Tunua. Sumiiffik aqutsivigineqartoq Qeqertarsuup Tunua nassuiarneqarsimavoq 68°00'N avannarpasinnerusumiittutut aamma 70°30'N kujasinnerusumiittutut.

4) Kalaallit Nunaata avataani pisassiiffusut nr. 1-miit 3-mut, taagorneqartoq sumiiffik aqutsivigineqartoq Kalaallit Nunaata sinnera.

Pisat annertussusaat

§ 8. Aalisakkanut, ilanngussaq 1-imi taaneqarsimasunut, avataasiorluni aalisarneq kiisalu aaliarneq pillugu Inatsisartut inatsisanni § 7-imi kalaallit aalisarnerinngisaat, aamma ilanngussaq 2, sinerissamut qanittumi aalisarneq, pisassiissutit tamarmiisut aalajangersarneqassapput, ilanngussami ammukaartoq 1-imi. Ukiup ingerlanerani allannguisoqartarsinnaavoq, takuuk aalisarneq pillugu Inatsisartut inatsisaanni § 10.

§ 9. Aalisakkanit ilanngussaq 1-imi taaneqartunit kalaallit angallataat, aalisarneq pillugu Inatsisartut inatsisaanni § 6 naapertorlugu, ilanngussami 1-imi ammukaartumi 2-mi allassimasunit pisassanit

annertunerusunik aalisaqqusaanngillat.

§ 10. Aalisakkanit ilanngussaq 2-mi taaneqartunit kalaallit angallataat, aalisarnej pillugu Inatsisartut inatsisaanni § 6 naapertorlugu, ilanngussami 2-mi ammukaartumik 1-imi allassimasunit pisassanit annertunerusunik aalisaqqusaanngillat.

§ 11. Angallatit nunani EU-mut ilaasortaasuni nalunaarsorneqarsimasut taamaallaat katillugit pisassiissutit ilanngussami 1-imi ammukaartumi 3-mi allassimasut aalisarsinnaavaat.

§ 12. Angallatit Savallimmiuni nalunaarsorneqarsimasut taamaallaat katillugit pisassiissutit ilanngussami 1-imi ammukaartumi 4-mi allassimasut aalisarsinnaavaat.

§ 13. Angallatit Islandimi nalunaarsorneqarsimasut taamaallaat katillugit pisassiissutit ilanngussami 1-imi ammukaartumi 6-imi allassimasut aalisarsinnaavaat.

§ 14. Angallatit Norgemi nalunaarsorneqarsimasut taamaallaat katillugit pisassiissutit ilanngussami 1-imi ammukaartumi 6-imi allassimasut aalisarsinnaavaat.

§ 15. Angallatit Ruslandimi nalunaarsorneqarsimasut taamaallaat katillugit pisassiissutit ilanngussami 1-imi ammukaartumi 7-imi allassimasut aalisarsinnaavaat.

§ 16. Naalakkersuisut pisassiissutit tamarmiusunik, ilanngussami 1-imi 2-milu taaneqartunit ammukaartoq 1-imi, allanngortitsissagualarpata imaluunniit pisassiissutit tamarmiusut, ilanngussaq 1-imi taaneqartunit ammukaartut 2 - 7, agguataarneqarsimanerannik allanngortitsissagualarpata, nunanik tamalaanik isumaqatigiissuteqarnerit kingunerannik tamatuma kingunerissavaa, nalunaarummik nutaamik saqqummersitsinissaq.

§ 17. Angallatinut §§-ini 9-miit 15-imut taaneqartunut akuersissutitut amerlassutsit atuuffissallu, Aalisarnermut Naalakkersuisup tunniussai pisassiissutit amerlassusiinut naapertuutissapput, tunniussinerlu angallatit taaneqartut aalisarsinnaassusiat eqqarsaatigalugu pissaaq, aalisarsinnaanermut akuersissuteqartarnej pillugu Namminersornerullutik Oqartussat nalunaarutaat naapertorlugu.

Aalisarnermik unitsitsineq

§ 18. Aalisarnermut Naalakkersuisup, pisassiissutit ilanngussami 1-imi 2-milu taaneqartut pisarineqarpata aalisakkanik pineqartunik aalisarnej angallatitit ataatsimoortunit tamanit §§-ini 9-miit 15-imut taaneqartunit ingerlanneqartoq unitsissavaa. Nunanut ataasiakkaanut pisassiissutit tamarmik immikkut naatsorsorneqartassapput. Matumunnga atatillugu EU nunatut ataatsitut isigineqarpoq.

Imm. 2. Kalaallit angallataataannut pisassiissutitit ataatsimoorussanik aalisartunut, aalisarnerup unitsinneqarnissaanut piffissaliussaq radiukkut tusagassiorfitsigullu nalunaarutigineqassaaq.

Imm. 3. §§ 9-15 naapertorlugit angallatinut tamanut unitsitsinissamik piffissaliussaq telexikkut imaluunniit telefaxikkut angallammut pineqartumut nalunaarutigineqassaaq. Angallatinut EU-mi angerlarsimaffeqartunut taamatut nalunaarut taamatuttaaq EU-Kommissionimut nassiunneqassaaq. Kalaallit angallatiginngisaannut allanut taamatut nalunaarut nunap pineqartup aalisarnikkut oqartussaasuinut aamma nassiunneqassaaq.

Imm. 4. Angallatit aalisarunnaassapput piffissami Aalisarnermut Naalakkersuisup aalajangigaani.

Pineqaatissiissutit

§ 19. Kalaallit Nunaata eqqaani aalisarnermut malittarisassanik imaluunniit aalisarsinnaanermut akuersissummit piumasaqaatitit unioqqutsitsinerup kingunerisinnaavaa taassuminnga iluaqutiginninniarsinnaanermut annikillisinneqarnera, kiisalu pisuni sakkortunerusunik imaluunniit

uteqqiattumik pisoqqaattaartortoqartillugu piginnaatitaaffik arsaarinnissutigineqarsinnaavoq. Tamanna pillugu Naalakkersuisunit aalajangiisoqartassaaq, nalunaarutiginnittoqarneraniillu ullut 15-it qaangiutsinnagit Kalaallit Nunaanni Eqqartuussivimmut suliaassanngortitsisoqarsinnaalluni, takuuk Aalisarnek pillugu Inatsisartut Inatsisaanni § 21, imm. 4.

§ 20. §§-ini 9-miit 15-imut aamma § 17 imm. 4-mi unioqqutitsinerit akiliisitsinermik kinguneqarsinnaapput.

Imm. 2. Aktiaateqarluni ingerlatseqatigiiffik, piginneqataassuteqarluni ingerlatseqatigiiffik, piginneqatigiiffik imaluunniit piginneqatigiilluni umiarsuaatileqatigiiffik unioqqutitsippat ingerlatseqatigiiffik taannaatillugu akiliisitassatut akisussaasunngortinneqarsinnaavoq.

Imm. 3. Pinerluttulerinermi inatsimmi arsaarinnittarneq pillugu malittarisassat taamatuttaaq atorineqarsinnaapput.

Imm. 4. Pineqaatissiinissamik suliat allattaaq aalisarnek pillugu Inatsisartut inatsisaanni §§ 33 - 38 malillugit suliarineqartassapput.

Atuutilerfia

§ 21. Nalunaarut 1. marts 2009-imi atuutilerpoq. Peqatigitillugu 2007-mi aalisarnermi pisassiissutit pillugit Namminersornerullutik Oqartussat nalunaarutaat nr. 19, 6. november 2007-meersoq atorunnaarsinneqarpoq.

Namminersornerullutik Oqartussat, ulloq 4. februar 2009

Finn Karlsen

/

Amalie Jessen

Ilanngussaq 1-2

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat
Naalakkersuisut